



**Broj: 01-289/14**  
**Vareš, 29.12. 2014. godine**

**Z A P I S N I K**  
**s 23. sjednice Općinskog vijeća Vareš,**  
**održane 27.11. 2014. godine**

Zdravko Marošević – predsjedavajući Općinskog vijeća Vareš, otvorio je 23. sjednicu s početkom u 16,00 sati, u velikoj sali Općine Vareš.

Izvršena je prozivka vijećnika.

**Prisutni vijećnici:** Ismet Abdulahović, Boško Andrić, Mahira Brkić, Tajiba Brkić, Asmir Čizmo, Zdenko Franjić, Osman Ibrišimović, Emir Islamović, Kenan Kamenjaš, Demo Kevrić, Zdravko Marošević, Mario Mirčić, Safeta Muftić, Mato Pavić, Elvir Rožajac, Jasmin Salketić, Goran Selak i Nikola Šimić.

**Odsutni:** Zdravko Barkić.

Pored vijećnika sjednici prisustvuju: Općinski načelnik – gosp. Avdija Kovačević, sekretar Općinskog vijeća – gosp. Leon Pavlović, šef Kabineta Općinskog načelnika – gosp. Ibarahim Spahić, zamjenica Zajedničkog općinskog pravobranilaštva – gosp. Elma Brčić-Rožajac, pomoćnici općinskog načelnika gosp. Ermin Musa, gosp. Zihnija Krnjić i gosp. Rusmir Berberović, ispred Službe za privredu i finansije – gosp. Senad Mahmutović i gosp. Dragan Orozović i predsjednici političkih stranaka.

Sekretar OV Leon Pavlović izvijestio je Vijeće o realizaciji Zaključaka sa 22. sjednice OV održane 30.10.2014. godine. Na 22. sjednici OV doneseno je (6) Zaključaka od kojih su tri (3) Zaključka realizovana i tri (3) su u toku realizacije. Postavljeno je petnaest (15) vijećničkih pitanja, na četrnaest (14) vijećničkih pitanja nadležni su dostavili pismeni odgovor podnosiocu pitanja, na jedno (1) vijećničko pitanje, odgovor je dostavljen svim vijećnicima, odnosno nadležna Služba je postupila po zaključku OV koji se po sadržaju odnosi na istu tematiku kao i postavljeno pitanje vijećnika Jasmina Salketić

Općinski načelnik Avdija Kovačević u okviru aktualne problematike na području općine Vareš za današnju sjednicu nije imao obraćanja.

***(Vijećnička pitanja)***

**Mario Mirčić**

1. Kada će biti izvršeno asfaltiranje pristupnog puta do kapele mrtvačnice u Stogiću? O postavljenom pitanju dao je pojašnjenje.

## Elvir Rožajac

2. U ime građana ulice Planinarska Vareš Majdan postavio je pitanje: Kada će doći do postavljanja ulične rasvjete i asfaltiranja pristupnog puta? U ime građana ulice Tirići Vareš: Traži od nadležnih Službi u organu uprave da obrate pažnju vezano za uličnu rasvjetu i pristupni put u naselju Tirići i iznađu način za rješavanje problema? O postavljenom pitanju dao je pojašnjenje.
3. Traži od nadležnih Službi u organu uprave da izvide mogućnost postavljanja (vraćanja) „ležećeg policajca“ u ulici Zvijezda preko puta osnovne škole „Vareš“? O postavljenom pitanju dao je pojašnjenje.

Vijećnik Đemo Kevrić izjavio je da nije zadovoljan sa dostavljenim odgovorima na postavljena vijećnička pitanja na prošloj sjednici OV o čemu je dao pojašnjenje.

Predsjedavajući OV Zdravko Marošević dao je komentar na odgovore koje je dobio na postavljena pitanja na prošloj sjednici OV.

Predsjedavajući OV stavio je na raspravu Zapisnik sa 22. sjednice OV.

Nije bilo primjedbi i predsjedavajući OV stavio je na izjašnjavanje Zapisnik sa 22. sjednice OV, te nakon izjašnjavanja vijećnika konstatuje da je **Zapisnik sa 22. sjednice OV jednoglasno usvojen.**

Predsjedavajući OV stavio je na raspravu prijedlog dnevnog reda za 22. sjednicu OV koji je usaglašen na Kolegiju Općinskog vijeća.

Vijećnik Kenan Kamenjaš traži dopunu dnevnog reda sa tačkom 14. „Prijedlog Zaključka o dopuni Zaključka OV broj: 01-232/14 od 30.10. 2014. godine“. O predloženom je dao pojašnjenje u kome je sugerisao da se u Odluci Općinskog načelnika koja se odnosi na kriterije za dodjelu sredstava porodicama čiji su stambeni objekti oštećeni ili uništeni usljed prirodne nesreće, izvrši dopuna u skladu sa Federalnim pravilnikom o kriterijima (kriterij da je „*odlukom nadležne komisije utvrđen nastanak štete na imovini i da je šteta prouzrokovana prirodnom nesrećom*“). O predloženom je dao pojašnjenje.

U raspravi su učestvovali: sekretar OV Leon Pavlović, vijećnik Mario Mirčić, Općinski načelnik Avdija Kovačević koji je u svom obraćanju izjavio da kao ovlaštenu predlagач prihvata izneseni prijedlog vijećnika Kenana Kamenjaš, s tim da formulacija tačke 14. treba da glasi: „Odluka o izmjeni i dopuni Odluke o kriterijima za dodjelu sredstava porodicama čiji su stambeni objekti oštećeni ili uništeni usljed prirodne nesreće“.

U daljoj raspravi su učestvovali vijećnici: Ismet Abdulahović, Kenan Kamenjaš, Mahira Brkić, Jasmin Salketić i Općinski načelnik Avdija Kovačević.

Predsjedavajući OV dao je pauzu u trajanju od 5 minuta zbog konsultacija Klubova.

Nastavljeno je sa radom današnje sjednice.

Za riječ se javio vijećnik Kenan Kamenjaš i iznio usuglašen stav Klubova OV o dopuni dnevnog reda 23. sjednice OV i to da tačka 14. glasi: „Prijedlog Zaključka o stavljanju van snage Zaključka broj: 01-232/14 od 30.10. 2014. godine o davanju saglasnosti na Odluku o kriterijima za dodjelu sredstava porodicama čiji su stambeni objekti oštećeni ili uništeni usljed prirodne nesreće“. Dosadašnja tačka 14. „Tekuća pitanja“ bila bi tačka 15.

Predsjedavajući OV stavio je na izjašnjavanje prijedlog za dopunu dnevnog reda 23. sjednice i nakon izjašnjavanja vijećnika konstatuje da je **jednoglasno usvojena dopuna**

**dnevnog reda sa tačkom 14. „Prijedlog Zaključka o stavljanju van snage Zaključka OV broj: 01-232/14 od 30.10. 2014. godine.“.**

Na raspravu je stavljen prijedlog dnevnog reda 23. sjednice sa usvojenom dopunom.

Nije bilo rasprave i predsjedavajući OV stavio je na izjašnjavanje prijedlog dnevnog reda za 23. sjednicu OV sa prihvaćenom dopunom dnevnog reda, te nakon izjašnjavanja vijećnika konstatuje da je **jednoglasno usvojen s l i j e d e ć i**

### *Dnevni red*

1. Prijedlog Zaključka o prihvaćanju vanskudske nagodbe broj: 02-1440/14. od 17.11.2014. godine.  
**- Izvjestilac: Općinski načelnik**
2. Prijedlog Izmjena i dopuna budžeta/proračuna Općine Vareš za 2014. godinu.  
**- Izvjestilac: Služba za privredu i finansije**
3. Nacrt budžeta/proračuna Općine Vareš za 2015. godinu.  
**- Izvjestilac: Služba za privredu i finansije**
4. Nacrt Odluke o izvršenju budžeta/proračuna Općine Vareš za 2015. godinu  
**-Izvjestilac: Služba za privredu i finansije**
5. Prijedlog Odluka o potvrđivanju rezultata izbora za članove
  - a) Savjeta MZ Pogar
  - b) Savjeta MZ Kokošćići**- Izvjestilac: Služba za društvene djelatnosti i BiZ**
6. Prijedlog Odluke o izmjeni Odluke o izboru stalnih radnih tijela Općinskog vijeća Vareš.  
**- Izvjestilac: Stručna služba Općinskog vijeća**
7. Prijedlog Rješenja o utvrđivanju prava korištenja građevinskog zemljišta u korist SALKETIĆ SEADA iz Dabravina, općina Vareš.  
**- Izvjestilac: Služba za prostorno uređenje i obnovu**
8. Prijedlog Rješenja o razrješenju predsjednika i članova Upravnog odbora Javne ustanove Dom zdravlja Vareš.  
**- Izvjestilac: Općinski načelnik**
9. Prijedlog Rješenja o imenovanju predsjednika i članova Upravnog odbora Javne ustanove Dom zdravlja Vareš.  
**- Izvjestilac: Općinski načelnik**
10. Izvještaj o realizaciji strategije razvoja lokalnih cesta i srednjoročnog Programa održavanja zaštite, rekonstrukcije, izgradnje i obnove javnih cesta.  
**- Izvjestilac: Služba za prostorno uređenje i obnovu**
11. Izvještaj o aktivnostima i stanju poljoprivredne proizvodnje na području općine Vareš za 2014. godinu.  
**- Izvjestilac: Služba za privredu i finansije**

12. Informacija o provedenim neposrednim Općim izborima u BiH koji su održani 12.10.2014. godine na području općine Vareš.  
- **Izjavitelj: Karlo Tokmačić, predsjednik OIK Vareš**
13. Izvještaj o provedenoj proceduri prodaje poslovnog objekta u G. Vijaka općina Vareš.  
- **Izjavitelj: Služba za prostorno uređenje i obnovu**
14. Prijedlog Zaključka o stavljanju van snage Zaključka OV broj: 01-232/14 od 30.10. 2014. godine.  
- **Izjavitelj: Općinski načelnik**
15. Tekuća pitanja.

### Ad. 1.

*(Prijedlog Zaključka o prihvaćanju vansudske nagodbe broj: 02-1440/14 od 17.11.2014. godine.)*

Zamjenica Zajedničkog općinskog pravobranilaštva Elma Brčić-Rožajac u svom obraćanju dala je dodatno pojašnjenje za ovu tačku dnevnog reda.

Otvorena je rasprava u kojoj su svoje prijedloge, sugestije i mišljenja iznijeli vijećnici: Elvir Rožajac koji je sugerisao da Vijeće bude češće informisano o realizaciji uplata, Mario Mirčić koji je ispred Kluba Hrvatske koalicije predložio, ako postoji mogućnost, da se izvrši izmjena člana 2. stav 10. u vansudskoj presudi i da glasi: „Ukoliko izvršenik ne plati dva mjeseca u roku od šest mjeseci, stavlja se Protokol van snage.“ Demo Kevrić ispred Kluba BPS predložio je amandman na tačku 3. Prijedloga Zaključka koji glasi: „Općinski načelnik će svakih šest (6) mjeseci izvještavati Općinsko vijeće Vareš o provođenju ovog Zaključka.“ Goran Selak ispred Kluba SDP predložio je da tačka 4. Prijedloga Zaključka glasi: „Sredstva po Zakonu o šumama će biti utrošena kako nalaže Federalni Zakon“. Dosadašnja tačka 4. postala bi tačka 5. U daljoj raspravi su učestvovali vijećnici Boško Andrić i Kenan Kamenjaš.

Za riječ se javila zamjenica Zajedničkog općinskog pravobranilaštva Elma Brčić-Rožajac koja je odgovorila na pitanja vijećnika postavljena u raspravi i ispred ovlaštenog predlagača izjavila da prihvata prijedlog vijećnika Elvira Rožajac i amandman Kluba BPS da tačka 3. Prijedloga Zaključka glasi: „**Općinski načelnik će svakih šest (6) mjeseci izvještavati Općinsko vijeće Vareš o provođenju ovog Zaključka.**“ U vezi prijedloga Kluba SDP koji je predložio da se u Prijedlogu Zaključka navede da će se sredstva trošiti u skladu sa Federalnim Zakonom o šumama, izjavila je da se može prihvatiti ali s tim da stoji da će se sredstva utrošiti u skladu sa odredbama Zakona o šumama ZDK, o čemu je dala pojašnjenje.

Zaključena je rasprava i predsjedavajući OV stavio je na izjašnjavanje Prijedlog Zaključka o prihvaćanju vansudske nagodbe broj: 02-1440/14 od 17.11.2014. godine uz prihvaćenu izmjenu koja se odnosi na tačku 3.

Nakon izjašnjavanja vijećnika predsjedavajući OV konstatuje da **je jednoglasno usvojen**

***Zaključak o prihvaćanju vansudske nagodbe broj: 02-1440/14 od 17.11.2014. godine.***

## Ad.2.

*(Prijedlog Izmjena i dopuna budžeta/proračuna Općine Vareš za 2014. godinu.)*

Ovlašteni predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su iznijeli svoje primjedbe, sugestije i mišljenja vijećnici: Demo Kevrić, Mahira Brkić, Elvir Rožajac, Mario Mirčić, Kenan Kamenjaš i Zdenko Franjić.

Za riječ se javio Općinski načelnik Avdija Kovačević i u svom obraćanju izjavio da se slaže sa većinom diskutantata koji su uputili kritike za ovu tačku dnevnog reda, te da će se do kraja decembra mjeseca tekuće godine morati pristupiti izradi još jednog Rebalansa budžeta, jer se u narednim danima očekuje uplata nepovratnog granta od strane viših nivoa Vlasti, u iznosu od oko 375.000 KM. Dao je odgovore na neka pitanja vijećnika postavljena u raspravi.

Za repliku su se javili vijećnik Elvir Rožajac, Općinski načelnik Avdija Kovačević i vijećnik Demo Kevrić.

Za riječ se javio Općinski načelnik i u svom obraćanju još jednom Vijeće podsjetio i izjavio da će do 15.01.2015. godine ispoštovati se odredbe kada je u pitanju poticaj poljoprivredne proizvodnje i da do kraja tekuće godine slijedi izrada Rebalansa budžeta kako bi se dobar dio stvari koje su se pojavile kao anomalija tokom cijele godine ispravile.

U daljoj raspravi su učestvovali vijećnici Demo Kevrić i Asmir Čizmo.

Završena je rasprava i predsjedavajući OV stavio je na izjašnjanje Prijedlog Izmjena i dopuna budžeta/proračuna Općine Vareš za 2014. godinu.

Nakon izjašnjanja vijećnika predsjedavajući OV konstatuje da su sa **11 glasova „ZA“, 3 glasa „PROTIV“ i 4 „SUZDRŽANA“ glasa usvojene**

***Izmjene i dopune budžeta/proračuna Općine Vareš za 2014. godinu.***

## Ad. 3.

*( Nacrt budžeta/proračuna Općine Vareš za 2015. godinu.)*

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Safeta Muftić, (zamjenica predsjedavajućeg OV Mahira Brkić preuzela je vođenje današnje sjednice), Mario Mirčić, Elvir Rožajac, Tajiba Brkić, Goran Selak i Demo Kevrić.

Za riječ se javio pomoćnik načelnika Zihinja Krnjić koji je ispred predlagača dao dodatno pojašnjenje za ovu tačku dnevnog reda i zamolio sve one koji će uputiti prijedloge i amandmane na Nacrt budžeta, da oni budu realni jer su ograničena sredstva u budžetu.

Zamjenica predsjedavajućeg OV Mahira Brkić dala je komentar na izlaganje pomoćnika načelnika Zihnije Krnjić.

Nije više bilo učesnika u raspravi i zamjenica predsjedavajućeg OV stavila na izjašnjanje Nacrt budžeta/proračuna Općine Vareš za 2015. godinu uz slijedeći

### **Zaključak:**

**- Utvrđuje se Nacrt budžeta/proračuna Općine Vareš za 2015. godinu**

**- Nacrt budžeta/proračuna Općine Vareš za 2015. godinu iz tačke 1. ovog Zaključka, upućuje se na javnu raspravu u trajanju od 15 dana**

- Zadužuje se Općinski načelnik i Služba za privredu i finansije da pripreme javnu raspravu u skladu sa aktima Vijeća
- Prijedloge i sugestije u toku javne rasprave, predlagač će uzeti u razmatranje kod izrade prijedloga akta
- Po završenoj javnoj raspravi predlagač će sačiniti prijedlog akta i Izvještaj o sprovedenoj javnoj raspravi dostaviti Vijeću na razmatranje
- Zaključak stupa na snagu danom donošenja

Nakon izjašnjavanja vijećnika zamjenica predsjedavajućeg OV konstatuje da je sa 16 glasova „ZA“ i 1 „SUZDRŽANIM“ glasom usvojen predloženi Zaključak i utvrđen

*Nacrt budžeta/proračuna Općine Vareš za 2015. godinu.*

#### **Ad. 4.**

*(Nacrt Odluke o izvršenju budžeta/proračuna Općine Vareš za 2015. godinu. )*

Komisija za statutarna pitanja i propise na 19. sjednici održanoj 26.11.2014. godine, jednoglasno je donijela slijedeći

#### **Zaključak:**

-Komisija nema primjedbi na Nacrt Odluke o izvršenju budžeta/proračuna Općine Vareš za 2015. godinu, te je upućuje Vijeću na razmatranje, s tim da se u preambuli Nacrta riječi „člana 5.“ zamijene sa riječima člana 7“, u članu 17. iza riječi „Vareš“ doda crtica i riječi „Prečišćeni tekst“, briše otvorena zagrada i iza broja doda i broj: „01-98/13 od 27.03.2013. godine, u članu 22. stav 2. da se brišu riječi „Kriterijima koje će donijeti Općinsko vijeće na prijedlog Općinskog načelnika i nadležne službe“ a dodaju riječi „Odlukom o kriterijima, načinu i postupku raspodjele sredstava iz granta za neprofitne organizacije/udruženja građana koji se finansiraju ili sufinansiraju sredstvima budžeta općine Vareš, broj: 01-68/14 od 27.02.2014. godine“ i član 41. da glasi „Ova Odluka stupa na snagu osmog dana od dana objavljivanja na oglasnoj tabli Općine Vareš.“

Pomoćnik načelnika Zihinja Krnjić ispred ovlaštenog predlagača prihvatio je iznesene prijedloge Komisije.

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Demo Kevrić, Elvir Rožajac i zamjenica predsjedavajućeg OV Mahira Brkić.

Zaključena je rasprava i zamjenica predsjedavajućeg OV Mahira Brkić stavila je na izjašnjavanje Nacrt Odluke o izvršenju budžeta/proračuna Općine Vareš za 2015. godinu uz slijedeći

#### **Zaključak:**

- Utvrđuje se Nacrt Odluke o izvršenju budžeta/proračuna Općine Vareš za 2015. godinu
- Nacrt Odluke o izvršenju budžeta/proračuna Općine Vareš za 2015. godinu iz tačke 1. ovog Zaključka, upućuje se na javnu raspravu u trajanju od 15 dana
- Zadužuje se Općinski načelnik i Služba za privredu i finansije da pripreme javnu raspravu u skladu sa aktima Vijeća

- Prijedloge i sugestije u toku javne rasprave, predlagač će uzeti u razmatranje kod izrade prijedloga akta
- Po završenoj javnoj raspravi predlagač će sačiniti prijedlog akta i Izvještaj o sprovedenoj javnoj raspravi dostaviti Vijeću na razmatranje
- Zaključak stupa na snagu danom donošenja

Nakon izjašnjavanja vijećnika zamjenica predsjedavajućeg OV konstatuje **da je sa 17 glasova „ZA“ i 1 „SUZDRŽANIM“ glasom usvojen predloženi Zaključak i utvrđen**

***Nacrt Odluke o izvršenju budžeta/proračuna Općine Vareš za 2015. godinu.***

#### **Ad. 5.**

*(Prijedlog Odluka o potvrđivanju rezultata izbora za članove*

- a) Savjeta MZ Pogar*
- b) Savjeta MZ Kokošćići)*

Komisija za statutarna pitanja i propise na 19. sjednici održanoj 26.11.2014. godine, jednoglasno je donijela slijedeći

#### **Zaključak.**

**-Komisija nema primjedbi na Prijedlog Odluka o potvrđivanju rezultata za članove a) MZ Pogar, b) MZ Kokošćići, te je upućuje Vijeću na razmatranje.**

Otvorena je rasprava u kojoj su učestvovali vijećnici Safeta Muftić i Jasmin Salketić.

Za riječ se javio Rusmir Berberović pomoćnik načelnika koji je ispred predlagača dao dodatno pojašnjenje za ovu tačku dnevnog reda i odgovorio na postavljeno pitanje vijećnice Safete Muftić o problemima i razlozima koji se odnose na podnošenje ostavki na članstvo u Savjetima MZ u pojedinim mjesnim zajednicama.

Nije više bilo učesnika u raspravi i zamjenica predsjedavajućeg OV stavila je na izjašnjavanje Prijedlog Odluke o potvrđivanju rezultata izbora za članove Savjeta MZ Pogar.

Nakon izjašnjavanja vijećnika zamjenica predsjedavajućeg OV konstatuje da je **jednoglasno usvojena**

***Odluka o potvrđivanju rezultata izbora za članove Savjeta MZ Pogar.***

Zamjenica predsjedavajućeg OV stavila je na izjašnjavanje Prijedlog Odluke o potvrđivanju rezultata izbora za članove Savjeta MZ Kokošćići.

Nakon izjašnjavanja vijećnika zamjenica predsjedavajućeg OV konstatuje da je **jednoglasno usvojena**

***Odluka o potvrđivanju rezultata izbora za članove Savjeta MZ Kokošćići.***

## **Ad.6.**

*(Prijedlog Odluke o izmjeni Odluke o izboru stalnih radnih tijela Općinskog vijeća Vareš.)*

Komisija za statutarna pitanja i propise na 19. sjednici održanoj 26.11.2014. godine, jednoglasno je donijela slijedeći

Zaključak:

**-Komisija nema primjedbi na Prijedlog Odluke o izmjeni Odluke o izboru stalnih radnih tijela Općinskog vijeća Vareš, te je upućuje Vijeću na razmatranje.**

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj je vijećnik Ismet Abdulahović sugerisao na pridržavanje odredbi Poslovnika o radu OV koje se odnose na nadležnost Komisije za izbor i imenovanja.

Nije više bilo učesnika u raspravi i zamjenica predsjedavajućeg OV stavila je na izjašnjavanje Prijedlog Odluke o izmjeni Odluke o izboru stalnih radnih tijela Općinskog vijeća Vareš.

Nakon izjašnjavanja vijećnika zamjenica predsjedavajućeg OV konstatuje da je **jednoglasno usvojena**

***Odluka o izmjeni Odluke o izboru stalnih radnih tijela Općinskog vijeća Vareš.***

## **Ad. 7.**

*(Prijedlog Rješenja o utvrđivanju prava korištenja građevinskog zemljišta i korist SALKETIĆ SEADA iz Dabravina, općina Vareš.)*

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i zamjenica predsjedavajućeg OV stavila je na izjašnjavanje Prijedlog Rješenja o utvrđivanju prava korištenja građevinskog zemljišta u korist SALKETIĆ SEADA iz Dabravina, općina Vareš.

Nakon izjašnjavanja vijećnika zamjenica predsjedavajućeg OV konstatuje da je **jednoglasno usvojeno**

***Rješenje o utvrđivanju prava korištenja građevinskog zemljišta u korist SALKETIĆ SEADA iz Dabravina , općina Vareš.***

Zamjenica predsjedavajućeg OV dala je pauzu u trajanju od 30 minuta.

Nastavak vođenja sjednice preuzeo je predsjedavajući OV Zdravko Marošević

## **Ad. 8.**

*(Prijedlog Rješenja o razrješenju predsjednika i članova Upravnog odbora Javne ustanove Dom zdravlja Vareš.)*

Otvorena je rasprava u kojoj ovlašteni predlagač Općinski načelnik Kovačević Avdija dao dodatno pojašnjenje za ovu tačku dnevnog reda.

Nije više bilo učesnika u raspravi i predsjedavajući OV stavio je na izjašnjavanje Prijedlog Rješenja o razrješenju predsjednika i članova Upravnog odbora Javne ustanove Dom zdravlja Vareš.



Nakon izjašnjavanja vijećnika predsjedavajući OV konstatuje da je **jednoglasno usvojeno**

***Rješenje o razrješenju članova i predsjednika  
Upravnog odbora Javne ustanove Dom zdravlja Vareš.***

***Ad. 9.***

*(Prijedlog Rješenja o imenovanju predsjednika i članova  
Upravnog odbora Javne ustanove Dom zdravlja Vareš. )*

Ovlašteni predlagач Općinski načelnik Kovačević Avdija dao je dodatno pojašnjenje za ovi tačku dnevnog reda.

Otvorena je rasprava u kojoj su učestvovali vijećnica Safeta Muftić koja je u svom izlaganju skrenula pažnju na član 13. Odluke o utvrđivanju standarda i kriterija za konačna imenovanja na pozicije u regulirane organe i zatražila pojašnjenje zbog čega Vijeću kao odgovornom javnom službeniku nije dostavljen prijedlog Rang liste i Zapisnik Komisije za izbor u regulirane organe.

Za riječ se javio sekretar OV Leon Pavlović i u svojstvu predsjednika Komisije za izbor u regulirane organe izjavio da je sva procedura sprovedena u skladu sa Zakonom i da je Općinskom načelniku dostavljena Rang lista i Zapisnik Komisije za izbor u regulirane organe nakon sprovedene procedure, na osnovu koje je Općinski načelnik kao odgovorni javni službenik u skladu sa Zakonom o zdravstvenoj zaštiti, predložio članove Upravnog odbora i Prijedlog Rješenja uputio Vijeću na razmatranje i imenovanje.

Za riječ se javila vijećnica Safeta Muftić koja je još jednom skrenula pažnju na član 13. Odluke koji je naveden u obrazloženju Prijedloga Rješenja u kome je navedeno da je odgovorni javni službenik Općinsko vijeće.

U daljnjoj raspravi su učestvovali sekretar OV Leon Pavlović, zamjenica predsjedavajućeg OV Mahira Brkić i Općinski načelnik Kovačević Avdija koji je u svom obraćanju naglasio da je zakonski predlagач Općinski načelnik, i da Općinski načelnik listu kandidata utvrđuje na osnovu uspješnih kandidata te dostavlja Vijeću na razmatranje i usvajanje, što je i učinjeno.

Za riječ se javio vijećnik Ismet Abdulahović koji je u svom obraćanju izjavio da neće razmatrati ovu tačku dnevnog reda i podržao mišljenje vijećnice Safete Muftić da je Vijeće trebalo biti upoznato sa Rang listom kandidata.

Općinski načelnik Kovačević Avdija upoznao je Vijeće sa sadržajem Rang liste kandidata na Javni oglas za imenovanje Upravnog odbora JU Dom zdravlja Vareš.

U daljnjoj raspravi su učestvovali zamjenica predsjedavajućeg OV Mahira Brkić, vijećnici Safeta Muftić, Tajiba Brkić, Elvir Rožajac, Općinski načelnik Kovačević Avdija, vijećnik Ismet Abdulahović i predsjedavajući OV Zdravko Marošević.

Zaključena je rasprava i predsjedavajući OV stavio je na izjašnjavanje Prijedlog Rješenja o imenovanju predsjednika i članova Upravnog odbora Javne ustanove Dom zdravlja Vareš.

Nakon izjašnjavanja vijećnika predsjedavajući OV konstatuje da je sa **12 glasova „ZA“ i 4 „SUZDRŽANA“ glasa usvojeno**

***Rješenje o imenovanju predsjednika i članova  
Upravnog odbora Javne ustanove Dom zdravlja Vareš.***

**Ad. 10.**

*(Izveštaj o realizaciji strategije razvoja lokalnih cesta i srednjoročnog Programa održavanja zaštite, rekonstrukcije, izgradnje i obnove javnih cesta . )*

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Izveštaj o realizaciji strategije razvoja lokalnih cesta i srednjoročnog Programa održavanja zaštite, rekonstrukcije, izgradnje i obnove javnih cesta.

Nakon izjašnjavanja vijećnika predsjedavajući OV konstatuje da je **jednoglasno usvojen**

***Izveštaj o realizaciji strategije razvoja lokalnih cesta i srednjoročnog Programa održavanja zaštite, rekonstrukcije, izgradnje i obnove javnih cesta.***

**Ad. 11.**

*(Izveštaj o aktivnostima i stanju poljoprivredne proizvodnje na području općine Vareš za 2014. godinu. )*

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Izveštaj o aktivnostima i stanju poljoprivredne proizvodnje na području općine Vareš za 2014. godinu.

Nakon izjašnjavanja vijećnika predsjedavajući OV konstatuje da je sa **17 glasova „ZA“ i 1 „SUZDRŽANIM“ glasom usvojen**

***Izveštaj o aktivnostima i stanju poljoprivredne proizvodnje na području općine Vareš za 2014. godinu.***

**Ad. 12.**

*(Informacija o provedenim neposrednim Općim izborima u BiH koji su održani 12.10.2014. godine na području općine Vareš. )*

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV konstatuje uz Zaključak da je **Vijeće primilo k znanju**

***Informaciju o provedenim neposrednim Općim izborima u BiH koji su održani 12.10.2014. godine na području općine Vareš.***

### **Ad. 13.**

*(Izvjestaj o provedenoj proceduri prodaje  
poslovnog objekta u G. Vijaka općina Vareš. )*

Nije bilo rasprave po ovoj tački dnevnog reda i predsjedavajući OV stavio je na izjašnjavanje Izvjestaj o provedenoj proceduri prodaje poslovnog objekta u G. Vijaka općina Vareš.

Nakon izjašnjavanja vijećnika predsjedavajući OV konstatuje da je **jednoglasno usvojen**

***Izvjestaj o provedenoj proceduri prodaje  
poslovnog objekta u G. Vijaka općina Vareš.***

### **Ad. 14.**

*(Prijedlog Zaključka o stavljanju van snage  
Zaključka OV broj: 01-232/14 od 30.10.2014. godine. )*

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Zaključka o stavljanju van snage Zaključak OV broj: 01-232/14 od 30.10. 2014. godine.

Nakon izjašnjavanja vijećnika predsjedavajući OV konstatuje da je sa **17 glasova „ZA“ i 1 glasom „PROTIV“ usvojen**

***Prijedlog Zaključka o stavljanju van snage  
Zaključka OV broj: 01-232/14 od 30.10.2014. godine.***

### **Ad. 15.**

*(Tekuća pitanja.)*

1. Predsjedavajući OV upoznao je prisutne sa Informacijama Službe za društvene djelatnosti i boračko-invalidsku zaštitu broj: 02/3-05-3-1400/14 i 02/3-05-3-1441/14 od 13.11.2014. godine koje se odnose na nemogućnost izbora organa MZ Vareš i MZ Daštansko. U vezi s tim Služba predlaže Općinskom vijeću da se Zaključkom da suglasnost Općinskom načelniku da imenuje Povjerenstvo u MZ Vareš i MZ Daštansko.

Predsjedavajući OV je na osnovu prijedloga Službe za društvene djelatnosti i boračko-invalidsku zaštitu predložio i stavio na izjašnjavanje slijedeće

#### **Zaključke:**

1. **Općinsko vijeće Vareš daje suglasnost Općinskom načelniku da imenuje Povjerenstvo MZ Vareš, koje bi imalo 3 (tri) člana i koje bi imalo prava i obaveze Savjeta MZ, od kojih bi jedan član bio povjerenik MZ sa pravima i obavezama predsjednika MZ.**

**Za realizaciju ovog Zaključka zadužuje se Općinski načelnik i nadležna Služba za upravu.**

**Ovaj Zaključak stupa na snagu danom donošenja.**

2. **Općinsko vijeće Vareš daje suglasnost Općinskom načelniku da imenuje Povjerenstvo MZ Daštansko, koje bi imalo 3 (tri) člana i koje bi imalo prava i obaveze Savjeta MZ, od kojih bi jedan član bio povjerenik MZ sa pravima i obavezama predsjednika MZ.**

**Za realizaciju ovog Zaključka zadužuje se Općinski načelnik i nadležna Služba za upravu.**

**Ovaj Zaključak stupa na snagu danom donošenja.**

Nakon izjašnjavanja vijećnika predsjedavajući OV konstatuje da **su jednoglasno usvojeni predloženi Zaključci.**

2. Predsjedavajući OV upoznao je prisutne da je Vijeću od strane zemljoradničkih zadruga općine Vareš, dostavljen zahtjev od 18.11.2014. godine za retroaktivnu izmjenu Odluke Općinskog vijeća Vareš o komunalnim taksama broj: 01-319/13 od 28.11.2013. godine, retroaktivno za 2014. godinu. Sa sadržajem Zahtjeva je upoznao prisutne i napomenuo da je Zahtjev razmatrao i Kolegij OV.

Nije bilo učesnika u raspravi i predsjedavajući OV je predložio i stavio na izjašnjavanje slijedeći

#### **Zaključak:**

- **Zadužuje se nadležna Služba organa uprave da za narednu sjednicu OV, u skladu sa Zakonom pripremi i Vijeću dostavi na razmatranje Odluku o izmjeni i dopuni Odluke o općinskim komunalnim taksama, vezano za Zahtjev zemljoradničkih zadruga općine Vareš od 18.11.2014. godine.**

Nakon izjašnjavanja vijećnika predsjedavajući OV konstatuje da je predloženi **Zaključak jednoglasno usvojen.**

3. Predsjedavajući OV informisao je Vijeće o dostavljenom odgovoru od strane JP ŠPD ZDK d.o.o. Zavidovići broj: 4187-1/14 od 10.11.2014. godine, u vezi sa zahtjevom Udruženja penzionera-umirovljenika općine Vareš o mogućnosti otvaranja stovarišta ogrijevnog drveta za građane općine Vareš. Isti akt dostavljen je Udruženju penzionera-umirovljenika općine Vareš.
4. Predsjedavajući OV informisao je Vijeće o dostavljenom odgovoru rukovodioca Poslovnice Elektro Vareš gosp. Tome Lučića, broj III-2-9-130/14 od 11.11.2014. godine. Odgovor je dostavljen na osnovu Zaključka OV koji je donesen nakon razmatranja Informacije o stanju napajanju električnom energijom na području općine Vareš na 22. sjednici OV.
5. Predsjedavajući OV upoznao je Vijeće sa sadržajem Molbe Osnovne škole „Vareš“ broj: 01-850/14 od 19.11.2014. godine u kojoj traže da Vijeće poduzme potrebne mjere za sprečavanje prodaje alkohola i cigareta učenicima u okolini škole.

Za riječ se javio vijećnik Mario Mirčić koji je sugerisao da se Molba Osnovne škole „Vareš“ proslijedi nadležnim inspeksijskim organima u Kantonu.

6. Predsjedavajući OV informisao je Vijeće da je na osnovu donesenog zaključka na 22. sjednici OV, dostavljena Informacija od strane Službe za društvene djelatnosti i

boračko-invalidsku zaštitu broj. 02/3-1429/14 od 20.11.2014. godine koje se odnosi na očitovanje PS Vareš u vezi poduzete aktivnosti Policijske stanice Vareš po pitanju nastanka štete na stadionu i objektima „NK Vareš“.

7. Predsjedavajući OV upoznao je prisutne da je Općinski načelnik dostavio Vijeću na upoznavanje Informaciju o realizovanim projektima koje je finansirao UNDP BiH, broj 02-1485/14 od 27.11.2014. godine i Memorandum o razumijevanju na realizaciji projekata obnove i izgradnje komunalne i socijalne infrastrukture na prostorima gdje žive raseljena lica i povratnici, broj: 02-1441/14 od 17.11. 2014. godine.
8. Vijećnik Mario Mirčić predložio je da Vijeće donese zaključak kojim bi se zadužio sekretar OV da inicira zajednički sastanak na razini Kolegija OV Vareš i Kolegija OV Olovo na temu donesenih Odluka koje se odnose na osnivanje JP ŠPD Vareško i Olovsko kao i Odluke o zabrani sječe i izvoza drvne mase sa prostora općina Vareš i Olovo. O predloženom je dao pojašnjenje.

Predsjedavajući OV je na osnovu iznesenog prijedloga vijećnika Maria Mirčić predložio i stavio na izjašnjenje slijedeći

#### **Zaključak:**

- **Zadužuje se Stručna služba Općinskog vijeća da do 15.01.2015. godine inicira zajednički sastanak Kolegija Općinskog vijeća Vareš i Općinskog vijeća Olovo na temu donesenih Odluka koje se odnose na osnivanje JP ŠPD Vareš i Olovo i zabranu sječe i izvoza drvne mase sa područja općina Vareš i Olovo.**

Nakon izjašnjenja vijećnika predsjedavajući OV konstatuje da **je jednoglasno usvojen predloženi Zaključak.**

9. Vijećnik Kenan Kamenjaš u svoje lično ime predložio je Vijeću Inicijativu o prolongiranju poskupljenja vode za 2015. godinu na osnovu Odluke o utvrđivanju cijena komunalnih usluga i visine naknade za priključno mjesto broj: 01-151/14 od 29.05.2014. godine. O predloženom je dao pojašnjenje u kome je predložio da se sredstva za naknadu pokušaju namiriti u budžetu Općine Vareš.

U raspravi su učestvovali predsjedavajući OV Zdravko Marošević, vijećnik Elvir Rožajac.

Predsjedavajući OV na osnovu usmeno iznesene Inicijative predložio je da se u roku od 15 dana očituje Općinski načelnik, po dostavljenoj Inicijativi.

Sastavni dio ovog Zapisnika je audio zapis sjednice.

Sjednica je završena u 20,35 sati.

**SEKRETAR**

**Leon Pavlović**

**ZAPISNIČAR**

**Azra Ibrahimović**

**PREDSJEDAVALAČI**

**Zdravko Marošević**